

I. N. J.

LIBER STUDIOSUS

DISSERTATIONE ACADEMICA

LIMITATUS,

Quam,

ADSPIRANTE DEO

Suffragante Ampliss. Fac. Philos.
in florentissima Musarum, qvæ
Aboæ est, sede.

Sub Moderamine

Viri Celeberrimi

D^N. M. CHRISTIERNI
ALANDRI

Eloq. Profess. Reg. & Ord.

Præceptoris ac Promotoris sui optimi,
Publico Examini modestè s̄istit

PETRUS L. TOLLIIN,
O-Gothus.

d. 16 Maii, An. 1697 in Auditorio Max.

Aboæ, Impr. apud Jo. WALLIUM.

In
SACRAM REGIAM MAJESTATEM
Eximiæ Fidei Viro,
Reverendissimo in CHRISTO
Patri ac Domino,

Dn. HAQVINO
S P E G E L /
S.S. Theologiæ DOCTORI
longè Celeberrimo,
Diœcesios Lincop. EPISCOPO
Eminentissimo,
Consistorii ibidem PRÆSULI
Amplissimo,
Regiique Gymnasii EPHORO
Gravissimo,
Patrono Magno, æternum
devenerando.

Nomen Tuum inclytum
Reverendiss: Dn. EPI-
SCOPE, num tenui-
bus hisce pagellis præ-
figere sustinerem, animus diu in
diversa tractus est. Audacem e-
nim me fore putaram si Eminen-
tissimæ Tuæ Dignitati, hocce ob-
scurum & ignobile quod est con-
secrare. Grave quidem hoc vi-
sum fuit, si tantum Nomen teme-
rarem, gravius tamen me peccatu-
rum pertimui, si hanc devoti hu-
milisque animi mei ostendendi oc-
casionem intermitterem. Hic mi-
hi hæsitanti exempta tandem du-
bitatione animum dedit summus il-
le favor quo Reverendissimus Pater
singulos Musarum sedulos cultores
semper complecti dignatus est, de
quo

quo ulterius dubitare religio mihi
fuit. Submissa itaque facie humiliq;
vultu etiam atque etiam peto huic
meæ audaciæ detur venia. Hoc si
impertravero, pari humilitate pre-
cor, Reverendiss. Tua Dignitas me
in numerum clientulorum suorum
recipere non dedignetur. In vi-
cem tanti Favoris Altissimum Nu-
men supplex venerabor, ut Reve-
rendiss: Dn. EPISCOPUS, Sacr. Reg.
Majestati, Ecclesiæ DEI, diu sit su-
perstes, atque in florentissimo sta-
tu seros annos videat

REVERENDISS: DN. EPISCOPE,

Magni Nominis Tui

devotissimus cultor

PETRUS TOLLIIN.

VIRIS

Pl. Reverendis, Clarissimis atq; Doctissimis,

Dn. M. O L A O

L A N G E L I O,

Ecclesiaz utriuscq; Lincopenfis PASTORI
meritissimo, Templi Cath. PRÆPOSITO
dignissimo, ibidem Consistorialium
SENIORI gravissimo.

DN. BENEDICTO MOLLERO,
Præposito ac Pastori in Rappesta & Si-
gesta ut vigilantissimo, ita meritissimo.

DN. THEODORO CARLBOHM,
Comministro in Hageby & Fiswella fide-
llissimo, Avunculo meo carissimo.

Promotoribus, Fautoribusque meis
maxime honorandis.

D: D: D:

DOMINI PATRONI,

S I attendatur ad beneficia, quibus me af-
fecisti, adeo memet vobis obstrictum
esse confiteor, ut ne sciam quibus plus debeam.

In

In memoriam itaque animi grati disputatiunculam hanc, elegantia licet verborum, & materiae subtilitate nulla prorsus ornata, vobis offerre non dubitavi, concepta sive ut hic pro solito vestro candore benignos vos praebere censores ne gravaremini. Inspicite non tam munus quam animum offerentis: jubete supplices officiosasque aduentem preces de vestro favore esse securum. Faciat DEUS Vos Optimos Patronos & Benefactores in nominis gloriam S. R. M. ac Patriae emolumentum, necessariorum decus, clientulorum auxilium, prosperam ac felicissimam quam diutissime ducere vitam. Ceu toto animo votet

Admodum Reverend.

Rever. Vest. Dignit.

humilimus cliens

Petrus Tolliin.

Literarum culturâ morumque ele-
gantiâ ornatisime

DN., PETRE TOLLIIN,
Amice perdilecte.

Ut vulgo nihil vulgarius, ita Erudi-
tis nihil STUDIOSI nomine rarius.
Non tamen omnes qui nomen hoc,
omen statim habeant; sed omne de-
mum & nomine studiosus est, qvi *li-
ber* est. Liber autem est, non qvi li-
beralibus privilegiis & amplis gau-
det immunitatibus, minus adhuc qvi
in licentia & flagitiis huc illuc vagatur,
sed qvi in honestate libero recte uti-
tur arbitrio. Hujus usus est id, quo
solo liber, abusus quo servus quis ve-
rè dici debeat. Istinc vera Studioso-
rum gloria, hinc vituperium. Stul-
tè enim aliena in homine laudantur,
potius quod ipsius est laudemus, ani-
mum scilicet, & rationem in animo
perfectam: secundum quam qvi vi-
vit, bonum suum, teste *Seneca*, con-
sum-

summavit. Qvam inculpatè libertate Tua usus fueris, pereximie Domine, in artibus liberalibus addiscendis, sciunt qvi Te norunt & cum laude id loqvuntur. Ad eum enim modum vitam perpetuo instituisti, eâque curâ & assiduitate in optimarum disciplinarum curriculo desudasti, ut omnibus carus acceptusque cum laude Cathedram disputatoriam consendas, *Liberumque Studiosum* non minus gnaviter jam defendas, qvam alias etiam ornes. Quod ipsum Tibi ex animo gratulor, intimè vovens sumum Numen egregiæ Tuæ in literis progressioni laudabilique ulterius progrediendi cupiditati gratiâ sua & favore adesse dignetur, ut spem, quam de Te omnes concepimus, non tantum abundè implere, sed & gloriose vincere queas. Vale! scrib. occupatus d. 14 Maji.

T.

LAUR. BRAUN.
Med, D. h. t. Rector.



ירחוֹ

Non minus verè quam eleganter dixit Cic. de Natura Deor: Nec dñmum, nec Rempublicam posse stare, si in ea nec rectè factis præmia, exstent ulla, nec supplicia peccatis; per posterius enim nefanda Reip: omnibusq; bonis nociva impiorum malitia compescitur: per prius, generofæ mentes inflamantur ad bonas artes: ad perferendum labores, magnos faciendum sumptus, ut contumeliis & injuriis aliorum se quoque exponant; qvo impri- mis Reip. prosint: & deinceps laborum suorum aliquem reportent fructum. Hoc præcipuè movet liberalium artium studiosos, qvibus cum in literarum studio se exercent, tot difficultates obveniunt, ut non immerito dubitetur an cuiquam maiores occurrant. Et cum

A

hic

hic eorum labor hunc potissimum in finem suscipiatur, ut vel evadant Doctores, & sic ad salutem erudiant multos: vel ut judices & justitiæ gubernatores fiant, & sic subditorum animos ad obedientiam Magistratui præstandam informent; ideoque piis Regibus ac Principibus semper cordi fuit, ut studiosi præceteris subditis immunitate quadam ac libertate donarentur. Hanc libertatem nobis concessam, omnes studiosi ut devora veneramur mente, ita temere nos non facturos speramus, si amplitudinem ejus paulo altius repetierimus. Quo autem hoc felicius procedat, non præterrem forte erit, si nonnulla de libertate in genere præmiserimus.

Utilem ac necessariam libertatis hominis civilis notitiam esse quis velit ire inficias? Philosophus quidam celebris satis, libri arbitrii verum usum non dubitabat summis annumerare bonis, bonis inquam istis, quæ homo hac

in vita viribus potest participare naturalibus. Hic verus liberi arbitrii sensus vix obtigerit ulli, nisi gnaviter pertinendi in genuinam ejus cognitionem. Quemadmodum liberum arbitrium nobilissima est animæ facultas, sic etiam præcipue ipsi debetur, quod imaginis Dei rudera geramus. Verum notandum est, quod, quemadmodum recto ejus usu (qui veram sui ipsius notitiam prærequirit) virtutem acquirere nosque civiliter beatos efficere possumus; sic etiam per ejus abusum nos ipsos reos & infelices reddimus. Quod ut de libertate in communi certum est, sic de libertate studiosorum intellectum volo. Hoc facile evenire poterit, ubi existimamus ac nobis persuademus, libertatem nostram tam arctis non circumscribendam esse limitibus, quin libere dominetur, ac suas faciat res, non solum rationi subjectas & civiles; verum etiam spirituales ac eas, fide quas voluit credi divina Majestas. Minori certe incommoditate & absurditate e-

orum opinio non laborat, qui demissæ
nimis ac abjectæ sentiunt de libertate
nostra aliquali in rebus tantum natura-
libus nobis relicta. Horum enim ali-
qui eo vesaniæ sunt proiecti: ut ho-
minem omni plane libertate spoliatum
fati necessitate devinxerint. Utrique
harum sententiarum patroni enormi-
ter à vero aberrarunt: priores peccando
in excessu, posteriores in defectu. Ho-
mini omnem prorsus qui non veretur
eripere libertatem, & sacram paginam
habebit sibi contradicentem, & argu-
mentis à ratione ac experientia petitis,
quo minus levi negotio possit retundi,
non video quid dubii subsit. Nam licet
in naturalibus careat illa facilitate ac
ad bonum propensione, qua gaudebat
in statu integritatis, interim tamen li-
bera potentia eligendi ac volendi illide-
negari non potest.

Libertatem vero si in genere con-
sideremus, tum est, ut habet Excellent.
Pufendorf. Lib: 2. c. 1. Jur. Nat. & Gen:
fa-

Facultas intrinseca agendi & omittendi quod quis ipse judicavit. Unde illis nulla relinquitur libertas, qui facultatem se metipso movendi non habent. Debet adesse judicium vel cognitio obiecti circa quod operamur, si dicendum sit nos libere quid fecisse. Sufficere tamen hic potest aliqualis & confusa cognitio; omni vero absente cognitione nulla libertas est, puta moralis; physica vero forte esse potest. Dico aliqualem notitiam sufficere: nam omnibus dari non potest, præcipue rudioribus, ut claram ac evidenter rei perceptionem habeant. Quibusdam redditur notitia hæc confusa propriâ ipsorum culpâ, dum omnium promiscuè dictis ac factis refragari nefas ducunt, placide in nonnullorum, qualiscunque demum fuerit, sententia acquiescentes: quibusdam hæc notitia redditur confusa, dum per supinam negligentiam ac inadvertentiam, negligunt vel neglexerunt addiscere ea quæ & scire debuerant, & scire potuerant, si voluissent. Verum nil im-

pedit, quo minus eorum actiones hoc modo liberæ dicendæ sint. Evidem non negaverim quo clariorem ac magis distinctam habeo objectæ rei percepti onem; eo ampliorem habere me libertatem operandi; & quo majorem confusione ac obscuritatem objecti, eo libertatem minorem. Dum enim dubius & quasi anceps haereo, nesciens quid faciendum, omittendumve erit, eo momento libertas infimo constituta est gradu.

Cum libertatis hic fit mentio in communi & studiosorum in specie, eam non sic extendendam esse monemus, quasi nullis legibus constricta, inter præscriptos justitiae fines non effet coercenda, ac liceret homini omnia agere pro nudo libitu. Nullam plane libertatem completitur ejusmodi licentia, indicatque ea ipsa animalia quibus sine lege vivere concessit Creator noster, nulla omnino gaudere ratione, vel animo juris intelligente. Verum ne ho-

mini quoque concedetur vivere ex-
lex, vetuit humanæ naturæ præsta-
ntia: gaudet enim homo corpore,
artificiosissime fabricato, unde habili-
tas ipsi remanet egregios ac insignes
perferre labores. Præcipue nobilissima
exsplendescit anima facultatibus percipi-
endi, dijudicandi ac appetendi emi-
nentibus prædita, qvas per inertiam
& varia flagitiorum genera consum-
mere summa cum turpitudine ac ini-
quitate est conjunctum. Relucet pro-
pterea hominis libertas in eo, quod i-
psum non exlegem vitam ut bruta age-
re voluerit DEUS; sed leges ipsi præ-
scripserit, animum indiderit talem qvo
actiones suas dummodo voluerit, ad
normam præscriptam posset compone-
re. Et hac in re vera utilitas hominis
cernitur, cum dirigit sic actiones suas,
ut cum rectæ rationis dictamine ac lege
naturali convenient. Ea libertas qvæ
concipitur nullis subesse legibus, appel-
lari solet libertas obligationis, qvam
neque homo jam habet, neque in statu

integritatis habuerat. Cum jam libertatem humanam in eo præcipue conspicimus, ut actiones possit dirige ad normam legis, inde se qui videtur, quod honestas aut turpitudo aliquando non possit dari citra reflectionem ad legem; sed cum omnium rerum malitia aut turpitudo mensuretur à convenientia aut disconvenientia cum lege, erit omnis motus physicus per se citra impositionem legis indifferens: hac de re Puf. passim. Præterea nec in commodum hominum cederet talis licentia, quæ nullis obnoxia est legibus. Pluribus certe affectibus agitur homo quam bruta, imo & brutis maximam partem ignotis, iis tamen reprimendis cum à medio aberrarint, homini legitima à DEO provisa sunt media. Bellum non concordiam homines inter, ardere cerneret nisi lex immineret delinqventibus, ipsisque poena decreta esset. Quid? & infantibus antequam ad maturorem aetatem pervenire potuissent, misere foret pereundum: & hoc modo

do fieret homo fœdissimus imo miserissimus omnium animalium. Rem verbo complectar: Libertatem hominis proprie dictam morale vinculum neutiquam impedit.

Postquam ut nos credimus evictum manet, libertatem humanam nullo extinguiri vinculo morali: & diximus libertatis hujus subiectum hac vice à nobis præcipue substitui hominem; non nihil tamen prolixius forte ex usu nobis erit in subiectum libertatis inquirere. Res inanimatæ qvod hic in considerationem non veniant, est qvod nemus dubitet. Hoc æque clarum ac manifestum est de brutis, qvæ nulla gaudent ratione; modus enim eligendi sequitur modum cognoscendi, qui que non cognoscit universalem rationem boni, ex qua judicare potest hoc vel illud esse bonum, is proprie non agit libere. Inter bruta nulli relucent mores, nullæ vigent leges, qvibus insontes ac imbelles muniuntur, ac à potentiorum

insultibus immaniumque direptionibus
tuti præstantur. Sensu impropio acci-
piendæ sunt virtutes quæ brutis attri-
buuntur. Bestiarum virtutes ac ope-
rationes solo naturæ instinctu; homi-
num vero ex obligatione producun-
tur. Dicitur quidem Lev. 20. v. 15, 16.
*ut si vir vel mulier habuisset rem cum bestia,
cum bestia interficeretur.* Nec non Exod.
21, v. 28 exstat: *Bovem cornupetam lapi-
dandum esse.* Quantum ad prius: id
non factum, quod brutum proprie-
deliquerit vel moraliter peccarit; sed
partim ne illud suo aspectu alium hominem
ad similem libidinem irritaret: partim ne
bestia superstes, hominis supplicio affecti
memoriam cum ignominia semper refri-
caret. Quantum ad posterius: lapidan-
dus erat cornupeta, non quod peccaf-
set, sed partim ne in posterum aliis
similem noxiam inferret, partim ut in
re sua puniretur dominus, qui eam
negligenter habuisset. Tale jus brutis
cum hominibus commune eruditii re-
jiciunt; quippe cum jus in eum cade-
re

re abs quo ratio exultat, intelligi nequeat; morale enim vinculum, brutorum ferociam compescere dici non potest. Put. Lib. 2. C. 3. jur. Nat. & G.

Rationis capax igitur erit subjectum libertatis, quod triplex esse facile patet: DEUS nimirum, Angeli & homo; analogice tamen, utpote DEUS omnimodam libertatem habens, ens existens, independens, nemini obligatus, & immensæ sapientiæ & potentiarum. Quique facit quicquid vult, & si aliquando facere non videtur, hoc adscribendum proprio ejus placito & ignorantiae nostræ. Angelorum libertas, eorum dico, qui in bono confirmati sunt, est longe excellenter libertate hominis; quia quo major cognitio ac minor ignorantia judicii, eo liberius quis dicendus erit in suis actionibus. Nos missis his duobus, subjectum libertatis humanæ inquirimus. Offerunt te nobis hic variorum eruditorum opiniones, quænam ani-

mæ facultas hic pro subiecto stet; an Intellectus aut voluntas? acriter sati super hac re disputatum est. Has in diversa abeuntium opiniones non planè indissolubiles esse putavit philosoph. vetus: nova burg. Qvæ fere hunc in modum loquitur: Si judicium hic pa- lisper suspenderimus, apparet locutio- nes qvæ circa explicationem ministe- riorum intellectus & voluntatis usu receptæ sunt, merè esse impropias: exempl. gratia: voluntas dicitur cœ- ca, nihilominus tamen illuminatur ab intellectu. Sed qui fieri potest intellectum faciem præferre posse voluntati, si hæc sit cœca? frustra enim porrigitur lux cœco. Fateri proptera necesse habemus, quod nec intellectus vo- luntatem, nec vicissim voluntas intel- lectum moveat, propriè & accurate loquendo: voluntas & intellectus non sunt facultates realiter distinctæ ab i- psa anima; sed eadem est anima, qvæ jam apprehendit, dijudicat, se de- terminat, appetit & averatur: & ra- tio-

tione tantum diversorum officiorum, jam intellectus, jam voluntas appellari sivevit. Cum tamen potior Philosophorum pars steterit à parte voluntatis, quod hæc longe aequiori censeatur jure statui subiectum libertatis, in eorum sententiam nos quoque transimus.

Ordinem & methodum nos non conturbasse speramus, si jam subiungatur definitio libertatis, quam tales ponimus: *Libertas est facultas voluntatis, q̄a, positis omnibus ad agendum requisitis, ex pluribus objectis propositis, unum aliquid potest eligere, reliqua rejicere; aut uno duntaxat proposito, id admittere vel non admittere, agere vel non agere.* Per requifita hic intelligimus occasionem, quæ praesto debet adesse liberè agenti: nulla si fuerit occasio, neque actio potest sequi. Non negamus quin libertas hæc interdum videatur quasi extincta quoad actum secundum; nihil tamen hoc præjudicare potest actioni, quo minus dicatur libera, dummodo quoad potentiam

tiam primam, libertate non destituta fu-
erit, quæ necessario ad libertatis con-
stitutionem requiritur. Dicitur quoque
in definitione quod *poteſt agere & non
agere*: non agere videtur quidem pri-
mo non ingredi eſſentiam libertatis;
quod verum quoque eſt, ſi non conju-
nctum ſibi habeat dominium in proprios
actus, vel conjugetam potentiam agendi.
Qui liberè dicetur agere, in ejus pote-
ſtate utique erit actione abſtinere po-
tuisse. Et quamvis aliquis in actione
ſit occupatus, non tamen deſtruitur vis
illa ſui determinatrix, qvæ optimè vi-
detur libertatis qualitatem exprimere.
Unde qui agit, necessario agit ex hy-
pothefi qvod agat, qvæ necessitas ni-
hil libertati officit; eam enim agens ſi-
bi liberè imponit. Præterea adnota-
mus, qvod agere & non agere, non ca-
pienda ſint in ſenſu composito, aut qvod
ſimul ſtare poſſint. Aetum & nega-
tionem actus simul conjugete, contra-
dictionem implicare, qvis non videt?
Verus ſenſus eſt: qui actu, operatur,

is habet in sensu diviso potentiam agendi & non agendi.

Hæc cum sic in genere de libertate disseruimus; jam in specie libertatem studiosorum examinabimus, præeunte nobis hic D. Liebenthal in disputat: de privilegiis studios: Non autem alienum instituti nostri erit, prius quam propius ad libertatem studiosorum pedē movemus, aliquam liberi studiosi definitionē dare. Est apud Dn. Doctorem: Joh: Balth. Schuppium talis, sed ridicula. *Studioſus est animal aut nihil aut aliqvid agens.* Nos autem liberum studiolum non incompetenter sic definiri existimamus. *Liber studioſus est persona degens, in societate academica studiorum gratia, certis privilegiis munita, & legibus constricta, in uſum rei literariae & bonum publicum.* Observationem id quam maxime meretur, quod studiosi nomen, si verbum ex verbo reddas, Græcis dicitur σπόδαιος, quæ vox multoties & sem-

semper ferè apud Aristotilem & alios Philosophos, *virtuosum* significat, qvam obrem etiam ex nomine magnum habet ad virtutem incitamentum liber studiosus.

Data jam definitione, privilegia studiosorum expendimus. Primo loco se offert privilegium securitatis, qvam studiosi habent præcipuam. Lege generali qvidem cautum est, neminem citra culpam lædi debere, colligitur tamen hoc in studiosis esse peculiare. Olim erat indultum studiosis, ut res qvas secum in proprios usus adferebant, non tantum in itinere, verum etiam in vectigalibus ac portoriis, immunes essent ab incursu publicanorum. Hac tamen cautela, ne aliorum res studiosi suis immiscerent; hoc enim ubi fecerunt, tum ea secum qvæ vixerant oppidò sub confilctionem cadebant, & hoc est in causa, si jam vectigal exigatur à studiosis: qvod hi libertate non nunquam abusi, bona aliorum sua esse

con-

confessi sint, & sic debitum vestigia
subtraxerint. Libertas studiosorum ex-
tendit se quoque aliquatenus ad eo-
rum nuntios & famulos, quibus facile
carere non possunt studiosi; nam si
ipsi ad actiones, quae per nuncios &
ministros essent peragendae, avocaren-
tur, tum non leve detrimentum pateren-
tur studia. Et quod alicui concessum
est, conceditur quoque illi citra quem
quis sibi quod concessum est obtinere
nequit. Securitate quoque gaudebat
studiosus, si Academiam apud exteris
Principes inviserat, adeo ut privilegiis
ibi solitis uteretur, et si Rex a quo
descensit, cum Principibus, ad quos se
contulerat bellum gessisset. Immuni-
tas studiosis a tributis personalibus
inde a tempore Cæsaris Augusti con-
cessa perhibetur, & durat etiamnum,
præsertim apud nos, summa & nun-
quam satis celebranda clementia cle-
mentissimorum Regum. In cæteris
quoque hoc eminet: quod parentes e-
orum, qui desiderio studii tenentur,

obligati sint, quantum res & facultas
sinit, liberis qvævis ad quamvis in li-
teris promotionem necessaria suppeditare,
& qvidem ita in Cæfareis privile-
giis statutum erat: ut studiosus præ-
ter ea qvæ in studiis consumserat, pa-
rem cum reliquis consanguineis hære-
ditatem sortiretur; tenetur enim Pa-
ter alere filium, & qvicqvid in ipsum
ratione studiorum impenderit, hoc
præcipue publicæ utilitatis causa facere
existimatur. Dotis & studii causa æ-
qviparatur. Sin vero studiosus sum-
ptus qvos sibi suppeditarat Pater, di-
lapidaverit, tum mirum non est, si di-
lapidatio detractione hæreditatis com-
pensetur; cessante enim causa privile-
gii, cessat privilegium ipsum. Omni-
bus quoque, ne injuriæ qvid studiosis
inferant, severissime Principes prohi-
buissent videntur: cum mandatum hoc
transgredientes, non eâdam pœnâ ac
mediocris fortis hominem læsissent, sed
graviori aliquando plectuntur. Qvod
ado

adeo ratum voluit Imperator Fridericus (secund. verb. Liebenthal) ut non tantum temeratores præcepti; verum etiam Magistratus, si vel saltem cunctanter injuriam studiosis illatam ultus esset, triplum vel quadrum ultra consuetum morem punirentur. Unde ille quoque, qui in ædes studiosi grassatus esset, sacrilegium dicebatur commisisse.

Olim etiam si contigit literatos ad Academiam aliquam appellere, in que ea urbe quæ sita erat Academia, inventiebantur nullæ omnino domus studiis aptæ: tum cogebatur professor propriis exire domibus, quo iisdem recipetur studiosus; modo ne hic professor insignem operam præ studio Reip. locare præsumebatur. Sin minus, valebat istud: publica utilitas privatæ est anteponenda. Commodus vero si fuerat locus, & professor locare domos noluerat, tum ad hoc potuit compelli:

qvin et si carum nimis pretium came-
ræ statuebat, hoc taxare penes Magi-
stratum stetit, vi potestatis à Principe
fibi concessæ.

Qvod ad turbantes ac susurrantes
artificices: ut sunt variorum generum
fabri, torniones etc. Hi quocunque
nomine sint, ut strepitu suo literis non
exiguam molestiam ac incommodita-
tem facescebant; ita Magistratus de hoc
admonitus, eos domibus, justa tamen
pacta mercede interdicere tenebatur.
Facilius enim ac longè minori cum de-
trimento bonum publicum carere pos-
se videbatur malleante fabro, quam
bonarum artium studio. Neque ob-
stat: Privilegium alicui concessum,
non esse concessum cum damno & in-
juria tertii. Nam licet fabro propriam
domum, quæ tutissimum dicitur refu-
gium, inhabitare non permittebatur;
interim tamen injuriam sibi factam
prætendere nequivit: cum hac occa-
sio-

sione à studioſo ædes occupante pro-
movebatur bonum publicum, cuius u-
tilitas æq̄ in fabrum deinceps, ac aliud
ſocietatis membrum redundabat. Mi-
liti utique civis cedere tenetur, tem-
pore neceſſitatis: quidni quoque studio-
ſo, qvi in multis rebus cum milite æqui-
parari posſe videtur. Aliquando acci-
dere potest ut studioſo ad manus non
ſint pecuniæ, quibus locatum diverso-
rium perſolvat; non tamen ſtatim ad-
miſſa erat executio in ejus libros, dum-
modo aliud illi ſupererat qvo con-
tractum æſ poſſet luere. Studioſus e-
nim ſine libris, eſt quaſi miles absque
armis.

Certis qvoque privilegiis gaudet
studioſus, ſi cum quopiam contentio-
nem habuerit; tum enim Rectori
Magnifico: non alii judici ſeculari eſt
firſtendus. Et hoc ſub tanta pœna cavit
Cæſar Fridericus: ut ille qui studio-
ſum ad alium judicem pertrahere ten-

tasset, causâ suâ licet justissimâ caderet. Rectori etiam Magnifico tantum juris concessum constat, ut non tantum studiorum minora delicta dijudicet; verum etiam nonnulla criminalia, qvæ in tantum ferè exeqvi potest, quantum multari possunt incarceratione & pœna relegationis. Destituuntur vero hoc privilegio studiosi, si ultra certa millaria sibi præscripta ab urbe peccarint. Ardente bello, ad Militiam trahi studiosus invitus non posse credebatur; gaudet enim privilegio Clerici, quem in acie stetisse citi a propriam voluntatem, est rarum quid audivisse.

In forum cum venerit studiosus causam agens ambiguam, tum convenientius putarant nonnulli à partibus studiosi stare. I:mo qvoqve expressè dicit quidam: studiosum mitius puniri debere, qvam alium obscurum. Ut enim in corpore humano, si membrum aliquod ignobilius læsum fuerit, tum illud

illud resectum à nobis facile projici-
mus; secus vero si nobile aliquod, quo
non facile carere possumus, grave vul-
nus acceperat, tum illud quocunque
demum modo toleramus.

Hæc quæ jam recensuimus bene-
ficia Regia, non conceduntur nisi iis,
qui bonis artibus & virtutibus ope-
ram dant; iis vero neutquam, qui pro-
pria culpa diu à locis privilegiatis absunt:
& neque publicè, neque privatim Pro-
fessores publicos audiunt: neque semet-
ipso aliquo modo exercent. Namque
ideo indulta sunt ejusmodi privilegia
studiosis, ut literis & bonis moribus in-
vigilent, quo sic per eorum sanctissimam
scientiam illuminetur mundus.
Huc facit pietas & reverentia in studia,
quæ olim summo in honore habe-
bantur, licet jam superbi Musarum
contemptores benè multi inveniantur.
Præterea coguntur quoque studiosi præcipue
pauperes, (verba sunt Dn. Liebenthal)

plus justo honorare vilissimos homines, à quibus quoque non raro ludificantur. Quo ut hoc tempore nihil frequentius; ita nihil certè unquam acerbis. Non postrema causa est, quod studiosi è divitibus siant pauperes propter magnos sumptus, adeo ut joco serio dici possit: in marsupiis eorum inveniri posse istud vacuum, de quo multum se cruciant Philosophi. Quid? ut loquitur Liebenthal: *Experientia testatur, tam hospites, quam Mercatores, carius rem vendere studiosis, quam aliis, existimantes sic natura inductum esse, ut cum studiosorum jactura siant locupletiores.* Unde & capones, non tantum studiosis vinum carius vendunt, sed frequenter etiam vino aquam miscent, ne forte vinum studiis officiat. Coguntur quoque studiosi propter bonum publicum Patriā exutes fieri: in peregrinationibus multis periculis se exponere: noctes vigiliis extrahere, unde & gritudo & aliae afflictiones corporis. De quo ulterius sèpibus à nobis citatus Liebenthal. Sed finem tacimus dicendo.

POTENTIA LAUSQVE TRIUNI.